

白
華
前
稿

白華前稿卷第四十四

南漚 吳省欽 沖之

古今體詩學舍集四

雅安試院雜題

三面滄江一面山山城兩戒控諸蠻誰知餽饋軍裝外
多少青袍迓北關

鎖院新營近頻宮百金誰買小玲瓏推牕細數朝曦影
偏似平羌水向東

院齋東北向

蕉紅蓼紫水添瓶祇欠龍觀山名一角青忽聽閣鈴牆外
語幾時借作看山亭

如睡烟鬟枕月心半迎明霽半含陰峯顙百頃平於掌
未許樵耕借徑侵

盲風苦雨昨消除簾簷連叔丙穴魚卻記青衣橋上過
幾曾撒網見邨漁

暮暮朝朝白紵衣掠檐蝙蝠到偏稀撲來謾認蜻蜓小
此是花蚊作隊飛

木桃花與海棠同結子還堪賺獠童饒殺林禽酥樣軟
搓來也似佛脣紅

罪言才氣紫薇稱親把阿房示武陵爲報虎頭更癡絕

惡詩重與夜挑燈

昨和凝臺四詩寄示晴沙頃見
報云病中挑燈讀之霍然起坐

雅州得補山學使貴陽書卻寄

君按黔中我蜀中當年蕩節往來同
犬能吠日情多怪
驢解鳴山技易窮
敢比江湖懷魏闕
故應鄒魯變夷風
青青不及筇枝影
一路陰連貴竹東

銅壁蒼蒼瘴霧昏
短裘長袖待招魂
已無候燧驚諸吏
薄有涓埃動至尊
衛婦下車言未敢
楚人汧紕價休論
祇憐解糗金盤會
爲殮荆釵返玉門

髦牛微外對牀難
遠問傳來強自寬
一字盡能關痛癢
幾人曾與念飢寒
征夫病婦團團夢
嫁女婚男黯黯看
話到隔牆居住好
喜心多遣淚痕乾

鷲摩古郡穴闕甍三道懸軍問不庭新驛細籌諸葛筆
雄關遍勒孟陽銘橐垂爛額沙漂白梯突危礪髮綠青
慙媿枝官閒袖手橙陰榴火鎖深廳

柏棚

朱藤賤葳蕤青豆結絡索如人建豎成山林異臺閣所
難咄嗟辦就禦暑雨惡我行楚粵黔郵館忒評泊每見
檐落間捷竹挺垠塢上有松櫟毛團蔭若油幕旣避天
瓢淋亦障火傘虐透風涼疎疎滴露濶漠漠持謝金馬
人叢蓬初可削雅安園萬峯試院翳林薄誰參柏子禪
采采布枝格鸞翎翅襪襪佛頸挂瓔珞綠移芭蕉庵青

耳葡萄幄幄松漏影纔郁烈沾香各大可資游盤了不
費工作焉得萬千架彌滿置邸郭側聞聲罪師餞道盤
巖嶢苦無戎車芘兼少板屋託當其凍雨飛桂楸郎不
若是棚幸預壽負戴免溝壑因思老柏塗歲星果善謬
隱語我謾爲百朋賜休卻

登雅州城樓和杜凝臺觀察韻

丹樓浩浩湧蒼雲蠻府陰森號令分出塞刀弓移竟夜
上天芻粟點斜曛雪殘斷嶺猶封夏瘴接諸谿卻化雲
回首成都連沃野椎牛端合饗千軍

萬帳堂堂左右中孤城南控首論功蔡蒙旅幣堯封儼

沫若成梁漢節通玉馬詎應朝小醜金貂何止被元戎
紫光閣上圖褒鄂奏捷還看系贊同

刺閨書裏漏丁冬遣使頻過百二重每有羌情探夜尉
幾曾嚴道廢春農礮車箭服軍資重鹽井茶場市氣濃
多少金錢來內府翻教率口免輸寶

雅雨排霄鼓凍聲振衣臨眺默關情嶺銜大相須銘碣
江譏平羌且滌纓武庫胸羅聞歎月文壇目昧媿披晴
烏衣門巷謂漱田比部多磨盾倘許傳看到列營

平江渡望鐵索橋

平羌江口浪花惡我之渡江竹筴掠從船則危橋則安

指點橋頭板臺臺優游掉臂同石在熙攘摩肩勝木杓
薄夫笑我言大夸險艱如斯迺架閣有剛百鍊柔繞指
紛鎖交鉤亘蝸蝻一絲孃孃百丈牽雙杙丁丁兩厓削
枯椿瘞鐵相撐扶如脰在背脛在腳版之被鐵纜一重
不橫而縱罅厓落幾人窘步爭捷徑作隊踉蹌似援攫
足所未到腰已輟搖颺風旌了無薄四顧絕岸先徬徨
下瞰澄潭九錯愕前年負戴過者多十條索絕七條索
千夫瞪視慘呼洶白日青天餒蛟鱗而我聞言起三嘆
夷險信天倍寬綽古稱州域置繩橋人說星文應井絡
唐蒙發卒馬卿諭漢代沈黎遂名從連峯蔽日陰檀藥

遶郭含烟響。臍臍我。齊題柱志未殞。爾輩成梁丘。誰託
使節還須瀛水行。廟謨那數靈山拓。嗚呼安得此索飛
度刮耳崖。加頸銀鑰二酋縛。

黎椒

楚產喻芳馨。晉產喻蕃衍。黎產今最良。縣齋歌勿剪山
家分種繁。尺寸爭孤嶽。素葩春蕤蕤。紅實夏纂纂。屑食
差可調。紉佩不容然。文成木叔奇。譽壓天仙顯。惜哉吐
葉初未飼。野蛾繭而以薑桂材。物土俾充選。我握誰與
貽。我頌誰與勉。檟木郭注徵。唐毅陶篇撰。嚮非五行全
焉得濟。盧扁彼哉味履支。胡椒名攘號屏前典。

黃連

荒微嗟不毛藥物重斯草葉抱青鸞尾根攫黃雞爪冰
葉兼苦寒壓倒蓼蕭蓼當其處巖岫物色競來優長鑱
白木柄託命謀宿飽市販祕多多土貢備稍稍豈無熱
毒病開囊藉一掃重典施亂國元氣虧不少瑞光侵幾
極琥珀苓四遶斯皆王氣鍾仁壽世長保所以皇天慈
擯爾產巖道良相如良醫喻大言則小

將之寧遠寄查丈惻叔美諾

七年前送邛都去我赴邛都見轉難出袖縱教懷素札
賜環仍復滯雕鞍摩沙舊種傳謳遍滴博新營按部寬

願及天河洗兵早細傾尊酒話長安

謗書薦牘兩侵尋雨露情靈感涕深
率屬有才有眾口
留田何策得鎖心休將蜀道論難易
祇要王師識縱擒
試上層硯瞻木果陣雲明處角聲沈

轉粟青天嚮未疎營平十二比何如
計分軍國資籌著
勢控華夷藉補苴昔夢待待津水蟹
全家猶食錦江魚
借山居畔松篁影卻望桃關似故居

驂鸞錄罷錄吳船宦跡經游儼後先
馳傳自惟行遠道

枕戈公已過中年瘴鄉齒脫

天曾顧

觀察曾守粵之
太平當赴守寧

遠入觀時奏及齒脫

上爲注視久之雪戍腰埋賊尚延
正是黎風兼雅

雨瑣牕投筆漏痕連

聞璞函殉難木果木爲位哭之

傳來依約聽分明喪亡蒼黃百里驚帶職詎容辭入幕

論兵畢竟誤移營書沾雅雨生難逮

初八日尚有書致之

骨陷沙

場死亦榮淒斷一軍刁斗夜殘星黯黯影晃晃

六載抽毫傍帥旗淩雲舊賦九重知敢言識字生憂

患頗悔從軍起別離金帶圍腰遷有敘茅檐曝背話無

期

他時曝背茅檐底半話金鑾半玉門璞函舊句

惟楹草草供雞酒兒女長安

哭望遲

君過成都我遲來我行越嶲鬼紛哀拋殘卷軸牛腰鉅

檢到衣冠馬革乖握手至今通夢寐酸心何路問輿儻
平生知己原無幾試撫牙琴響頓摧

雨抵榮經

竹霧沈冥石磴遙櫻櫚葉暗接芭蕉楚人聚落空巖道
漢相威名始孟橋峯勢極天圍古嶂澗聲終夜打秋潮
來朝走馬關山阻欲醉芳樽意已消

過大小關山

關上復有關山上復有山關山陡上更無下一下百上
增孱顏初如螺旋後蛇蛻步步紆折腰彎環粗者爲砂
大者石石礪陰森臥蛟脊晴天白日轟怒雷亂灑飛湍

打行客林虛箐密熊虎驕畏險不我爭扶毫危峯壓人
面高仰颯漉陣陣陰風搖野店蒼涼傍荒成歇馬店前
倚枯樹山家卻指相公嶺如此關山是平路

大相嶺

既拜丞相祠遂陟丞相嶺祠荒嶺更荒石筍怒交迸一
鞭蝨其間尺寸靳移影碎石軋馬蹄危棧墮人頂所喜
身歷高下方瞰胥井蓬蓬鋪白雲萬古混沌淖得毋龍
與蛇噓氣蔽曦景蟄物忌陽靈鼓角響斯屏當時景川
侯隻手選頑獷爲德苦不終鼉行命還併不知未選初
丞相轡焉乘時清險自夷世亂坦皆梗我亦渡瀘人吟

成越羅冷

清溪

僕馬盤雲下邛人雜笮人孤城浮薜荔幾戶託蒸薪瘴
遠山仍合泉枯咽未勻關風吹到曉百里劇清貧

白雞關

關有伯奇廟固未
可據俗訛白雞

吉甫眞雅材穆如被弦誦云何疑掇蜂有子隱銜痛茲
土周髻人風教阻愚憊淒涼履霜操傾耳聽誰共廟貌
儼降靈關名誤起訟白雞猶無聲今古罕折衷翻疑裸
夷俗詛盟爲援重十姨詩老訛百牛聖門哄要知純孝
心慘慘格有衆拜罷登筓興下關如入甕

大渡河

南條導大江木塔溯戎嶠濫觴非自岷特以禹功導平
羌首效職直下卷飛瀑是川不受成突起勢雄界蚬膠
青龍尾矯然作東掉尋源在土番到此極票姚雖亦歸
夔門其利溥黎微竭來萬工坡牲醴冀神勞絕壑戒舟
航縣流戍旗纛大澤徙龍蛇深山遷虎豹如何畫斧人
斷渡棄南詔智乃遜韋皋積弱可先料擊楫歌慨慷何
時計魚釣

宿白馬寺

山雨分龍灑未勻一程泥淖一程塵三家絃誦超牛種

千戶簪纓厠馬人

黎州土司馬姓自言岱後

幾輩使星留絳節當年

佛火脫紅巾階前雙樹苔憐汝如許婆婆厄幾春

自大樹堡至河南堡

亂石堆連亂棘堆栖栖犯暑上崔嵬泥交虎跡腥難散
風送花香瘴易開折坂舊驚行道夢籌邊終藉濟时才
征蠻箭手知多少細數秋風畫角哀

曬經石

白馬馱三藏能消水火災石壇平似掌猶自曬經來

聖泉

武鄉定南方感恩念魚水行軍逢啞泉瘴癘固有此冷

然一掬甘聖藥在清泚酌罷笑啞啞如痿勃焉起毒涇
病遂多望梅渴先止古來司馬法往往託神鬼地可證
黃圖事乃略青史試觀南站山山寺雲嵩美名蹟雖稍
移依舊瀉瀾瀾視彼拜井人盛跡庶倫比精誠天所憐
煩擾靈或從斯語出啞羊作詩聊記里

發平夷至深溝

平夷山未平飯罷戒徒御盤紆千百折峭聲撼高樹團
團覆蒼雪冬青作花處離離一二三空腔鐵生鑄合抱
蔽畝宮窺鳥驚復去前行更怪偉溼毒透涼霧虬徑時
斷連沒水學屈步腳輒心蕩搖清磬出孤渡烏盆紅欲

然龍爪黃競吐何來綠髮人古木蘚痕亘峭壁臨夾谿
四絕女蘿附連朝苦扳躋恐恐失佳趣此如秦棧幽烟
霞足沈錮田荒無可耕焉得結茅住

宿海棠驛

花色繁西府流聞舊遶池亂雲攢古市雜樹冒荒陂馬
客秋通販銅官晚整炊卽今逢處暑已是雪飛時

越僑道中

黃陵封勅馬蕭蕭弓箭行人各在腰行轉前山山更轉
深林暑月不聞蜩

東西流澗健於龍無復茅亭覆禮春一樣煎茶坪上雪

秦山回首白雲重

一閃紅蟲走山筍與推挽仗花蠻無人細譯侏僂語
鸚鵡成羣降樹間

曾貢華絲被麗娟百花妙舞影踟躕君看萬木冬青樹
祇賸貧家種蠟田

禽幽果怪未知名枉遣蠻司管送迎莫忘鯨鯢封骨處
旌旗如血大刀橫

涼山面面遶貔貅聚米興圖掌上收祇是嶺家舊城寨
土人偏說廢蘇州

小相嶺

羣嶽尊華嵩二少佐二太相嶺時川南名不廁蒙蔡黎
州百廿盤仄徑愁旌旆憶昨經蠟關三舍路通泰豈知
操縱權造化弄狡獪驅使石丈人扼要肆囊害岐嶺棧
巖間十趾劣如欽前有一綫屋下有萬壑漸旁有千章
木青蘚髮縈帶溼霧噓毒淫寒飆掃盲昧一降翻百升
天梯絕附會夜叉隱伺客依約山脊外吹落侏僂聲裸
夷信無賴羽扇緬指揮銅鼓感鏗磕重關鎮上頭衢祭
應未艾津梁嗟已疲孰能爲之大

下相嶺歷象鼻至白石塘雨大作

下嶺馬足輕微聞僕笑語來程皆小坡息肩謝邪許峽

泉輿下行瀘沽匯支股漸西勢漸驕萬山更幽阻化爲
蠻象奔鼻脊脊尚俯臃腫堆圉輪戍削立城府兩嚴鬪
欲傾一闕葬行旅藉彼白玉龍鴻溝判漢楚奈何飛上
天作陣打急雨洞門避不遑深恐伏罷虎虛空涉嶮閣
展聲湮於鼓石磴如卵危石棱如劍舉人生非草木膽
氣敢豪鹵雲棧是夷庚區區復誰數

瀘沽峽

峽有
亞泉

新橋峯影迴穴磴度單騎下吸飛練光滌滌倒層翠銅
槽匯淨潏鐵廠溜澎潏稍見秔秫田引流獲霑漑浩然
朝金沙不受廣源治河身忽縮行兩疊迸一氣元素幻

須臾椒圖恣挈戲陰沈鹽井溝絕峽那可縋重巖削鐵
色鏤鑿似孤隧有時十字裂樹根挺若臂善崩訶沙性
萬木支九地碑手摩空巘啞泉駭狂醉士非吞炭俠師
合銜枚濟且隨猿鶴羣望望趁墟肆

自老鷹至松林山間皆小松怪詭特甚

異俗能種松不尚老尚穉九九植陽阿鬱鬱蔽陰隧蹲
爲綠熊毛攫肖青猿臂株尺根迺尋子落蔭猶庀左右
闕轉旋下上幻豐銳瓷斗供較宜礬絹寫容易自非梁
棟資庶共樗櫟棄槎櫟禁漸疎樵蘇利將倍以斯墓棘
偕于堪苑桑類挂枝代結籬熟膏謝東燧材不材不同

用無用無異孤生幸信天一出須擇地青岱謝秦皇殿
山憶軒帝何年掄鄧林鉛貢載圖誌

七夕抵寧遠

纔上蘇州又德州稻花雨過藕花秋綠隴綵線居夷香
粉堞華旌切漢浮燈爲山空明似豆月因天近大於鉤
旄牛微外牽牛節不是烟波也合愁

寧遠懷古

附葛捫蘿上百盤和門綦布角聲攢天低下界三辰大
候逼中元萬甲寒沫野虹收雲黯黯邛都驛廢水漫漫
簡書多少隨援鳥莫訝人間道路難

連山鰲戴此開坪益斥規模始漢京傳入西夷稱大長
計先北伐効長征草囊溜緊迴三渡雉堞峯危冒九城
高望始昌分苑廣當年天馬劇崢嶸

武侯城畔淚沾衣遠甸心傾仰德威
憑遠蜻蜒來款款
沾連鸚鵡逝飛飛
繩橋若落情難測
玉斧關河事本非
卻笑荷花生日裏
幾邨蠻女鬪芳菲
番俗以六月二十四日爲元旦是日
吳人謂之
荷花生日

種火耕刀一校慳牛羊斜散草坡間
鹽波試問摩沙戶
金氣休貪斛棘山
三代鉞旄共髮濮
百年衿冑自邊關
蒼涼更發沙蟲嘅
細剔荒局蘚字斑

使院望邛池

邛池如滇池廣袤里數十稱河亦稱海瀘山受嘯喻蛙
雋名蚤徵魚蛤利粗給齋淪閱冬春霑漑逮原隰誰知
百丈底有縣漢京立漢皇通夜郎筇夷版未入馬卿底
略定都尉賴綏斬滇北冠蓋同沐西賢贊集神龜眼閃
閃鉅鼇腳岌岌可憐驛置衝奄化溼銀溼勃褐也混茫
河華壁雲霜溺成茗谿潮陷肖由拳邑揚塵杳仙遊爲
谷驗雅什窮邊黷民命天做法斯執嗟民實何辜蠟衣
慘銜泣瓠子歌競傳竹王號仍襲幸生清晏朝征輶載
囊笈曠望城東南淨練遠堪挹測影失鐘樓泝光渺航

上書刊
揖懷古心鬱陶投鞭蹟終及

藍草

小草連畦泊龍葱拂翠輶
茜氈紛辨質槐蓼細圖形
度地兼葭種徵時異莢零
交光迷蕨若搖彩上莎庭
接棧痕先砌爲池澱輒腥
罨天濃過雨拖水暗沈汀
縷挂蠻邦陋伽裝佛舍靈
分旗排隼羽壓帽颺鸞翎
采記盈脩綠揉教出更青
關浮光嫋媚日散影瓏玲
賦佐翰寶域名垂掌染經
九江雲樣紙題罷墨熒熒

噉青豆莢作

誰種蠻山一頃田金風吹綻露花邊
連房嫩簇青黃纒

帶共勻蒸紫蛤鮮小院清齋菜葉外貪家真味菜根先
嘗新恰對銀河淺憶配新糲薦巧筵

鸚鵡

番鳥番花遶翠微鸚鵡哥無那試飛飛出山蹤跡聰明少
戀主心情問訊遶半點輕紅才子筆十分慘綠美人衣
姬媼此地工蠻語可向慈雲說淨依

仙人掌

木非木卉非卉似掌非掌指非指掌如葵扇圓指如芒
鞵底厚或扶寸廣踰咫初疑綠石割自洮河邊又疑綠
玉撈向闕河裏土人拊掌紛訾謗金莖承露誰所操太

華一峯見

胡旬切

縮本特與荒微光不毛瑤草琪花浩難

訪橘柚空庭致蕭爽老饒扳弄思噪之聞道肉芝原似掌

板房

蠻郡艱陶埴三間束板宜偈參開士語

用禪惠大師瓦屋何以蓋木皮

語名紀小戎詩搭架披松鬣黏牆補木皮祇如撈短艇風雨坐移時

石屋

溝瓦全無次山家體製超平鋪簪儼仰穩搆謝飄搖雀角穿應息落斑暈未凋所嗟漢循吏禮殿土同焦

松籬

館垣何歲毀一架挂松毛斜日惺忪透疎風歷亂撓編
來勻落子穿去暗飛濤怪爾蒼髯叟涼陰散鬱陶

竹闌

誰截勻圓節長廊次第安朱黃紛渲染十二故盤桓不
厭扶清晝曾憐倚暮寒老夫斜點筆也當石闌看

任大尹招泛邛海登光福寺

城枕危坡郭枕泉稻畦黃送老晴天如何雲磴松關影
不擣成都十樣箋

六柱春船夢故遙霜蹄平蹴海門橋明燈錯彩波圍鏡

獨木漁舟且獨搖

大漁邨接小漁邨岸柳谿蘋褪漲痕等是山遊向光福
魚香歌細試開樽

白銀盤子捧青螺唐代真身蹟未磨問道將星新授節
願留詩版續饒歌寺有萬歷丁亥湖陽周光鎬飲至二絕時副將軍阿公新拜定西將軍

歸次名山劉大尹四儀促爲蒙山之遊偕姚秋

塘陳六峯飯智炬寺

寺有淳熙年省牒

旋旆指艮隅險脫近平地朝暉射城郭一飯渺餘事主
人喧戒塗要我香積寺同心占得朋還條西南利水田
禾半登石逕草偏翳橫斜略約間迺有嘶風騎野雀交

啾啾林蟬故嘒嘒入山本未深恐被導師議自參必芻
香那厭蔬筍氣省牒看依然巡檐剡苔字

登上清峯觀甘露井作

大蒙告旅平州域紀梁土岷嶓及蔡山作配壓東魯螺
旋八九成一成一鉤距後頂頂前趾直下自投杵非無
尋丈坪雷動栗雙股野僧掖我升倏忽假毛羽芒芒開
闢初先隕宋星五峻嶒冠此巔震盪萬熊虎聖燈與鉢
盂紛效三命俯瓦屋挹虛嵐平羌墮弱縷瑤漿闕玉版
仙茶試偷煮龍蜺靈昭昭一勺復奚取蓋頭少荷葉返
館打急雨人言初祖師詭異十光普誠感若衡雲我意

疑神禹

甘露井覆以石板發之則雨是日良驗

劉大尹送上清茶

蒙頂陽氣全小滿報茶熟甯其穀雨前卻闕數芽綠八
株標八仙薄采僅盈掬不滅并不生尺寸蛻肌肉副仙
纔二株雖長平等弟蓄蘭猶結精牢鳥鵲避闕宿配位
森外藩西東跼如鵠良隅菱角灣亭亭秀推獨是皆供
兩宮計葉一百六銀餅祕封題土竈慎烤焙一葉泛一
甌何代創官局官司工索搬下乘賔敗簾持較園戶輸
地分判主僕傳聞甘露師手種澤均沐時惟漢西京法
未闡乾竺苦櫝箋未行飲茗爲誰卜昔我曾作歌信口

不信目豈其旗與槍而護六丁躅大尹應且憎厭土手
嘗斷巖磴忽動搖靈物敢輕觸卽如甘露井春苔覆版
玉發之汲盆罌雨師輒騰蹴烹泉散芬馨小吸饜清福
笑謝桑苧經更輟端明錄

邛州道中

山外山無數山窮水又長斷雲松葉暗疎雨豆花涼廢
隴犁全熟遙墟爨竝將酒家頻借問野徑逐牛羊

白華前稿卷第四十五

南匯 吳省欽 冲之

古今體詩學舍集五

慰忠祠

祀戶部主事上海趙文哲刑部主事滿洲特
音布無錫王日杏重慶府知府新建吳一嵩
候補知府江寧王如玉府同知桐城鍾邦任
通判休寧汪時浦城吳景知州會稽吳璜承
德常紀漢陽徐諗南昌彭元璋知縣陽湖徐
瓚渭南張世永嘉善許椿宛平孫維龍貴筑

章世珍仁和程蔭桂及其子烈布政司照磨
臨榆倪鴻縣丞仁和倪霖吏目宛平羅載堂
巡檢臨桂郭良相典史光州吳鉞東安許濟
寧河周國衡其地在少陵草堂之西顧觀察
光旭權視蜀臬倡議成之以七月十六日奉
主入祠

王春歲癸巳六月初十我軍軍昔嶺滑澁朝徑涇定
邊印如斗誠子預藏襲獵獵移纛旗未暇整伍什將投
木果旁堅壘待重入中道膏賊鋒師潰咎誰執一雙蘭

署郎

趙農部
王北部

機庭練批答裙袴來從軍併命祇呼吸常

徐璣

司度支吳

一

羅備典給隨行卽隨死偃臥委韓給

以上列
難音嶺

先時番壁降野心欠馴習招搖颺白旗來往悄

游謀聊以夾霸

番語強劫也

嘗各各繕槍缺將軍問知餘

黨孰竦驚驟窺美臥蒲朔日晚告急提臣防禦單會猝

斃羣嗜遂延喇嘛寺欲同別駕

莊

脅毅然甘舍生褫剝

逮縋縋角礪檄報同科多大攻合鍾程暨仙尉

許濟

望救

痛何及桓桓郭與吳

戴

半通寄穴闢相持閱幾朝相格

斬幾級

郭守占固十一日始破吳守澤爾多殺賊數人始斃以上糧站各員自郭外皆以初二至初九

等日被害其餘十三人皆初十後從督臣登春退師途次遇害勢去終莫支礮臺跡旋

躡吏卒慘歔歔商民駭駭駢號呼赴大營營門拒弗納

侵晨教犬開出走擁蹀躞將殞兵竄亡瓦解浩難戢登
春駐重臣棖棟驟摧拉且戰且退奔矢石冒千疊取道
爭兩厓厓上礮聲接從官十三人先後尸枕壓譬諸涸
轍時豈復活魚妾肉爲飢鳥銜骨爲訓狐攬豈無輪運
賈折臂爲升合豈無負戴夫斷頭爲囊篋豈無屯戍士
決脰爲垣堞國殤不勝書鬼錄不勝牒文臣不惜死公
等足酸咽晴沙東林裔倡議議皆協度地依草堂荀林
斬叢解芝栢映藻井栗主替畫嬰禮陰映蕭蕭鸛語喚
恰恰倘然魂氣來碧血洒丹闔能爲張巡厲如傍要離
俠麻襪杜陵叟慘切效長揖心肝奉至尊今古匪殊轍

慰忠祠江城昭忠祠京邑姓名婦孺傳事蹟史策輯所
嗟擒蠻計掩面竟帶汁風鶴警蒼黃沙蟲莽嘈雜木非
幃帳參而歷疆場劫赫怒揚主威義憤激兵法禁

旅交龍驤鄰師亦鱗集幕府稱定西賊庭竚犁鍤以慰
存者心繫組任敲吸以慰亡者靈傳芭永伏臘尚有楊
鄧都轟雷運歆飲紹賊殲數人斯舉漏章招身殉衆競
憐廟食爾同愜鄧都令楊夢桂管理礮局昔嶺潰爲賊
所得齊今旗殿楊教不如法殲賊十許
人羣賊讎之自軍中來者多傳其事是冬兩督臣具奏
夢桂以奉令撤局回營于山溝被害得贈道銜而周國
衡或經死難或被掘拜修辦香陰景耀靈曷
衡失另察報聞

九日奎星閣

在錦江懷諸弟
書院後

我我傑閣倚參天
殘菊囊萸汗漫傳
萬里風霜沈令節
一時星斗麗通川
文高吏術絃相和
韓范軍聲旆未旋
京國家江吟眺迴
幾回愁數雁行偏

次韻晴沙觀察送京兵出灌口

枕戈子夜午腰弓
走送勞勞亦効忠
古堰秋禋神幘赤
高臺晚吐聖燈紅
飽騰士馬行歌處
洒落君臣想象中
多少閒雲浮玉壘
肯聞魏絳議和戎

松州遲遣殿前軍
昔嶺峩毳駐八門
未有熊貔堅鬪志
可無蠶鶴揜瘡痕
楊儀斷後終難恃
先軫歸元且莫論
豈獨九重亟西顧
同仇同澤各聲吞

新崇節鉞整旗槍指顧風雷萬衆驚難蜀高文連牘定

周少馬識獄還蜀爲文喻其鄉擒蠻上策濟師成因糧晚粟非懸釜火

器雲梯各厲兵將相自來起徒步勉將超距事長征

架棧崎嶇世盡知青羸盤遶路如絲乍聞劍閣淋鈴夕

終見潼關拓扇時絳節竝開韋李鎮草堂旁建許張祠

分明邊月蒼茫影徙倚城樓鼓角悲

湔水隄邊暫駐旄傳來魚腹有瓜刀鼓鉦起止聲皆震

扉屢輸將路不騷出塞五篇看激越期門四姓要粗豪

腐儒分少匡時略笑別荷缸看孟勞

錦江舟發

霜降葉未丹背郭逗寒色關鈴語天風送我契閑默江
流枯一綫邈絕鷺鳬迹漲痕膩青黃霞影卷朱碧茅茨
三數家歷歷水南北湍迅行轉紆溜寸舟則尺以此誇
下灘日計里不百何當瓜蔓生發機快電激會遇知有
由遲遲泛安宅如逢漁釣師投竿晚佐食

彭山晚泊

錦水明於錦騰文下武陽古城積熱泊高壘識彭亡酒
熟浮蛆甕花收養蜜房不逢羹雉叟短檣極蒼茫

眉州不得謁三蘇詞

眉山一簣高眉州一斗大譬諸曹鄴邦牛耳敢爭座堂

望三蘇公崛起天荒破萬古來辦香不遣弱一個我乘
下水船浩歌出沙邏嫵媚修竹成浩蕩白鷗過搖搖翻
酒旗團團走茶磨庶幾羞沼蘋山城指牛臥家法雖縱
橫國才太摧挫側聞池上蓮留爲科名賀無田無可歸
九死入寒餓松江烟雨疎朦朧覓漁課坡詩醉眠朦朧
覓歸路松江烟
雨晚疎疎江
距州廿里我亦別家江推蓬悵無那

墓頤山

黿頭矯西南牛心絡西北連峯來象耳東曦詫朝匿金
墓喧聒人何年化爲石膨脝腹先脹腸睽眼交射頤中
復有物類煩擢蒼壁官私都不知蠅氏孰司職得非學

道流緩火鍊丹液丹去井尚存爬沙竟竊食玻璃江色
明照影試推測遙遙扇子山一碁眩梁益蟲魚費考蒐
巖岫負登陟前路是峨眉破舡墮空碧

發青神

澗碧山紅路半迷江風吹影皺玻璃清霜病葉全無準
指點疎花映夾隄

五渡山邊水複流尋僧嬾作上巖游灘聲嗚咽經聲杳
祇有神龍閣古湫

流杯池接喚魚潭遺字涪翁句劍南不信青衣渡旁渡
秋衫染得一痕藍

中巖有山谷流杯池不及戒州遠甚

板頭船似櫻頭船載酒凌雪結興偏惱亂冬行非夏課
荔枝灣負荔枝天

霧泊

非雨非風午泊船一篙深翳鏡中天三朝每怕農謠準
三朝大霧發西風吳謠七日應看豹變全窟裏茶香縈細細隴頭
花影隔娟娟關城如綫軍如火會埽蚩尤聽愷宣

灘鬼謠

下灘激箭上灘引綫匪揖匪帆石心水面水枯運剝水
漲救撲剝船招招救船嶽嶽過灘叫囂住灘翔翔我有
身手子有錢刀子啖我噉子覆我掩含哺披裘以佑重

險

以小船分裝大船曰起剝

樂山胡大尹範水送柑嘉魚

三寸黃柑尺半魚打門款送劇軒渠成都帶熟甘如許

廣志成都平帶柑大如升丙穴鱗纖美不虛羅帕沾香回夢後銀盤

得味放餐餘木瓜封蠟鱸翻雪一種鄉心各起予

方響井

卽丁東洞濟翁改今名

畫井肇軒輅其匡乃中萬掘泉規以方於義了無取州
城枕高標戴石兼戴土四角安銀牀兩旁失玉虎一泓
鏗窈然微泉滴縷縷和如環佩調淒若鐸鈴苦丁東連
曉昏左右得微羽涪翁試汲初小院已千古作詩爲更

名水樂在洞府何如湖口遊石鐘浪聲鼓

自凌雲渡登第三峯

蜀山如畸人可憚不可卽嘉州山最佳靜女露婉嫵一
笑今日成濃翠染山鳥連峯兼良爲而作坤文畫石磯
冒苔痕沙徑泣泉脈不知混沌初誰手欠蒼壁模糊璣
珞胸拉折跣趺膝無多花雨邊笑許展瑤席九頂競紛
摩三川洶全搯隔隄人萬家杳靄散點墨潛渡慨蠻夷
劫砦驚草澤俯瞰峽邊船數葉鬢先白

潛渡
宋事

大石佛

岷水來自東蒙水來自西沫水來西南其衝山作隄山

下蟄鯢鰐山上騰虹霓峭立此終古撇漩聲沙澌九門
突萬軌舟勢輕鳧鷖自非道人道焉得慈航慈椎鑿肖
五體坐臥忘六時堂堂彌勒相競禮天人師覆以千花
塔智燈明琉璃於時韋南康讚嘆雕豐碑厥象類公狄
厥功同石犀我鄉近淮海橫絕支巫祁此佛如有靈雷
雨俾徙之江流旣以平河流亦以治長歎淩危撇浩浩
天風披

胡範水徐臨江兩大尹招遊淩雲山

眞兒凌雲載酒從江心綠到第三峯龍鼉窟撼諸天動
鵜鶴巢懸下界封樹色迴浮樓堞半薜華濃沁利竿重

分明北固山前景好語吳僧殷戒鐘

寺僧語京口人

金身百丈挂藤蘿高隼盤風怒若何杯底銀濤倒三峽
座間翠岫直雙我竟無葛相持籌蹟早有巴童蕩槳歌
爲報東南賓主美羽衣吹笛學仙坡

望烏尤山

卽離堆宋人始
誤移之離口

烏尤本烏牛羣飲脣其角力爭三水衝矯首不踟蹰一
從秦守來名擅離堆卓延緣九頂間斷裂驚一箭丹樓
與赤城密蔭森帷幄上有鷹鵠巢下有龜蜃擲中有磊
落人蟲魚註斑駁臺荒巖尚留迹詭語從朔江流寒泯
泯江月浩浩濯濯凝睇思悠然焦山此可學

登嘉州城樓望我眉山

我眉縣傍我眉麓縣裏入山糧裏宿嘉州距縣猶兩程
何處寒江墮稠綠好風吹我城西樓左龍右鳳前烏牛
迦陵相喚重回首百里一髮橫清秋淙潺響水橋澹沱
集雲寺中峯雙峽高半天上界遙看祇平地長杠架空
蘇花鈍上者猿挂下蛇褪濯谿錦石瘳成拳綴磴怪松
矮扶寸琪花瑤草人莫名鹿斑鶴縞羣歡迎太陰積雪
悶萬古爾得何術歸長生冰霜汁冷爨難熟好驗元滢
餐黃精鬼谷逝不還真人呼不應補天畫卦蹤在無巖
洞佛光夜初定初如暉錦團古囊煇如屏雀五色披文

章又疑彩虹狡獪暈雌霓不爾金蟄吐氣如輪華月生
東岡大千世界到慧眼何況青城瓦屋黛痕歷歷縈平
羌迴飄颻送鈴語卷盡白毫閣寥宇惟有玲瓏蒼霰
千萬堆舊衲雲山照如許我聞岷嶓蔡蒙奠梁域牙門
野處秀終暉太冲入賦致能記從此蛾眉露顏色齋鐘
粥版輸導師畢逋烏尾歸故枝且邀白石三生夢獨詠
青蓮七字詩

附
同作

姚蘭泉 秋塘

梁州四山紀禹貢誰撫星宿遺娥羲有山峩峩偃閭
闔一雙對峙如蛾眉美人目成不可卽秀絕雲際橫

參差金鏡刮膜一憑眺
龍犀鳳羣峯隨大我蔽陽
景中我半稠之小我雖遞減
猶被罡風吹八十四盤
通帝座猱升蛇退無由施
琪花瑤草珍禽怪獸到眼
若箝口何況合離遠近涉
想而懷疑仙子呼欲出狂
客歌莫知天竺之界遍震
且自西徂東首莅茲布金
卓錫宏梵宇粥魚茶版容
禪師雷爲鐘鼓助鎗礮電
作燈炬明琉璃雪如堅玉
積寒暑冰或雜米耐蒸炊
佛光湧見胡旬切暈五色浮空
恔怳罕定姿天孫織機
懸錦采女皇鍊冶騰石脂
我聞五嶽多異境兜羅絛
影紛葳蕤逝將裹糧擴奢
願匡廬羅浮武夷黃海各

各探靈竒勿使矯首頓足徒付管與蠡不然巾箱遍
繪真形垂剖卻芥子藏須彌

道士灣

危亡道士磯楚險膽斯破沿緣岷石來踞浪亦顛簸併
命抗陽侯撒髮意則那碾渦深百尋似憫老蛟餓餉以
萬斛舟一擲碎於判琳宮冠層巔大旗閃法座何人爲
牋天鏹此山骨大或爲二華孽或爲九河播非無醜酒
酬兼有撞鐘賀乘月起櫂歌吹笛我能和

健爲

縣有孝女漢以先絳得
名范書作叔先雄誤

縣郭圍山翠沈犀蹟未磨去津浮玉磬絕峽赴銅鑼鹽

井冬留筴漁家霽著衰果然風物美有女亦曹娥

敘州北樓作

北樓憑眺勝東樓雲物蒼茫倚杖收一郡蠻烟迷楚道
五津人語下渝州蔗田晚熟竿能舞蘭畹春榮佩欲投
分付朱提雙飲瓊鎖江亭上豁千愁

自鎖江亭放渡遊涪谿

大江控孤城要掌北門鎖鎖江行翦江截流膽斯果高
岸三數尋纍纍蔽蓬顆苟逢遊境偏豈惜涉坎坷柳烟
曉疎疎谿響冬頗頗涪水所不經而以名錫我翁來谿
遂名翁去石猶妥懸厓雖一卷方峭若堂堦介節旣崢

巉清流亦潭沱且學飲牛人逍遙石橋坐

涪洞

笙竽驅大星夜墮野田隔竹樹渺寸萌輝沱太古色一
竅誰擊開上下勢披磔上爲鶴俯厓下作卵伏翼中象
離卦虛截然斷兩盡洞門陰氣蒸積鬱嶮虛白並行苦
緣紆釐戴懼躊躇欲壓未壓間稍稍展荀席巖峯雖區
區勝絕冠戎獎惜無泥飲人春酒拈重碧

涪亭

探奇畢涪洞一笑旋向西自西旋自南乾蘚封壤題孤
亭縛椽毛舍石無可梯亭前結茅屋亭後繁麥畦雖無

帆去江影亂山雲與齊亦有黃葛樹擁腫根塞蹊冬花
時亂開凍鳥常息啼昔我接三吾幽景爭蔽翳今我窮
三涪賜光見胡甸切端倪作詩告涪翁何用供芹齋

流杯池

流杯池水不盈掬縮本壘成武夷曲信手疑堆圓陣圖
轉頭儼覆方枰局我來爲池非爲酒知被窪尊嘲土偶
我今愛池尤愛山笑共羽觴享傲帶池南池北無寸泥
緩鳥徑絕陰風淒羲娥子午一留照龍蛇篆古搖玻璃
石質雖存字形壞南宋元明笑爭界客座長同北海傾
詩翁祇下西江拜詩翁孤耿弦激矢朝上封章夕遷徙

杜陵配食竟茹禁使君促宴曾羅綺水中杯是掌中杯
冰去杯傳醉幾回雙井茶香歸夢杳數株甘熟諫書哀
戎蔡次律有甘數戎州尚較宜州樂識語蕭條盡枯惡
株清翁名曰味諫詎憐黨禁到文章應見貞魂戀邱壑風流觴詠渺前塵
一瓣香燒何處真倒載試看浮白地直聲每動弔黃人

登鬱姑臺

鬱姑臺似鬱孤臺香渺霜鐘法界開亂水北吞三峽下
斷峯南擁七星來荔枝一過霓裳散桂樹重招鶴馭哀
爲是兩川冠冕地醉扶藤杖獨徘徊

野泊

落漲參差野渡偏半隨步履半乘舫呼雞客到評書價
叱犢人歸索酒錢鷺影淡於前浦水菜香濃似晚春天
桃源雖好喧難避處處迎神簇管絃

晚次南谿

偃裘聽寒江江艇若暝色月暗鴛鴦圻風瀏鷓鴣磧知
是縣樓來數燈澹無極

江安

九龍灘似虎脫口是江安綿水光交汜瑠厓響未殘槎
頭魚味美坊底橘香寒試訪雙松道飛霞屑玉餐

納谿

納谿谿水是雲谿裂破牀柯地軸低一自撥旗灘畔過
長江無盡亂猿啼

木癭

陰林冠枿樟餘材賤蓬梗蕭森逼九霄輪囷蔽重嶺闕
劫侵火雷計種失壯竊鬱氣山澤兼鍊精日月併墳起
漸隆隆星懸突耿耿氤氲松脂膩磊砢柳肘獷如龍垂
領翔如狼跋胡騁如牛鐸挂膺如犬書繫頸王莽顙可
藏月支頭試請得非齊女瘤道是杜公癭匠石棄弗收
賈胡識獨省璣瑜終匿瑕金錫貴出礦蹊蹙審微痕賸
理解芒穎聚爲錦石斑散作縠波影丫樣女鬟披丕文

佛胸秉綬綬戢翼蟬隱隱負殼廬皴非畫苑摹繡豈妝
閣靚刮膜績旣成關角巧相警大用飭几屏小試中槃
皿物情姑推測世事漫酸哽甚美必甚惡孰枉又孰倖
寄生榮須臾息廕愼俄頃當門蘭質傷近社樗壽永燈
竿權計緡廟棟價論鉞不經神扶持安足自獻靖偉幹
天所儲奇器聖斯屏柞氏弛禁寬梓人考工整驚世露
文章隨時發光景此道似掄才以德毋掩眚安誦養生
篇短衣裁闊領

聞大軍復美諾

虎穴軍重入雕弓凍折膠神兵驅七晝喜氣送千郊伏

醜纓須請論功刃未交煩冤多舊鬼破涕待封殺

瀘州咏古

迢迢睇古耿祠燈師氏衣冠儼式憑一代清風論大雅

萬邦成憲告中興崔魏封斧雲埋骨窈窕彈琴雨溼膺

目斷寒流遲膾鯉車攻何處問荒陵

法言正考甫睇吉甫矣琴操尹伯奇

死吉甫作子安之操

雲峯縹緲枕江湄憑藉舟人指漢基稍喜伏符騰王氣

爲憐破卵建靈祠童提有象懸真主寇盜何方護少兒

莫笑州民罷冠帶銅駝紫陌草離離

羽扇綸巾廟祀同寶山形勝極穹窿渡瀘未必紆東道

伐魏寧論競北風七縱神威先六出兩朝子姓自三忠

江陽可是生申地配食猶虛董侍中

寶山三忠祠祀武侯及子瞻孫尚蜀

志董允父和南郡枝江人其先本巴郡江州人卽今巴縣地

學記以允爲州人悞

澄谿谿口木蘭船平遠江樓思邈然雙闕風濤穿二險
一城烟火闌三遷居民罷采羅星硯過客閑烹滴乳泉
不待都臺催臘鼓百花亭館似春天

尹伯奇琴臺

臺下淚波腥臺前病葉零沈江娥嬋節在鎬姑分型疊
起門帷舛聽綠窗第焚履霜彈切切激瀨和泠泠掩袂
哀謚儼寒裳恨未暝并蜂身悄恍離黍弟伶仃死孝愚

夫憫徠神醉現靈援聲連古峽蘆影斷疎汀親過微難
已家屯網適下放流循皓白悲怨達蒼冥地補桑經注
圖遺孔殿形中生量一概公道在西銘韓詩伯奇弟伯
封作黍離論衡
伯奇放流首髮早白孟子注伯奇仁人而父虐之
故作小弁之詩曰何辜於天親親而悲怨之辭也

黃葛樹

蕃產也似榕而小宜柄戟今敘瀘間多有之
欻欻乎哉黃葛非葛樹非樹枝幹槎牙併一處幹爲空
腹枝肋之虺蔓虬鬚莽回互我疑是東岱松鱗爪不攬
之而龍我疑是南海榕禿鬚不蔽方畝宮穿厓裂石太
無賴下士笑汝來安從邏迤城邊舊草地移種續紛鬱

生氣一本俄成千本身十年那作百年計棟梁大厦非
汝勝樵爨中廚亦汝棄蛇矛丈八左右盤托命在柄風
號酸因心運臂臂運指執爿制挺嗤等閒祇今點兵過
賊寨帕首弓腰日隆外壯丁遮擊雖寸功樹木終爲人
倚賴嗚呼黃葛眞遇時嗚呼黃葛毋遇時婆娑偃蹇老
巖穴以佐私鬪尤非宜君不見秦家白梃震西蜀葛葉
萋萋聖人錄

瀘州屢得述庵軍中寄書

定西將軍尺二檄緊程八百緩五百陣雲凝雪雪化冰
腕底何人飛霹靂一聲落紙山嶽搖太白出地千丈高

尊酒細傾歌斫地赫幌隱隱騰秋毫初言入釜游魚哭
繼言落雁軍容簇後言七日犁庭無數糧栖萬竈熟
男兒豈必手斷南越頭飽看飽聽願亦足復言講堂古
栢傳文翁諸生誰繼相如雄五架五間飭材好落成飲
至需春融軍中學易悟易理小冊毋怯勝毋喜書招贊
普謀未臧城築因杆事非侈三瀘城邊瀘水分渡瀘人
去思前勳賓寮整暇有如此將軍辦賊何足云

述舊寄少鈍及舍弟泉之并示耳山玉厓

吾邑析瀘城共飲春申浦科名雖較衰人物足誇詡賤
子起寒門奏賦濫腰組歲篇記丁丑不曠閱壬午代興

賞凌雲趙陸氣如虎趙也姘雅材生鏞震堂序長予懂
十年陸弟背同拊子弟在是秋亦聽鹿鳴譜兩家赴計
偕竝發邗江潁每思步笛邀或學墅基賭火攻爲我愁
跨竈爲彼許暴謔如鄱陽藉用相吹煦陸亦來修門翦
燈款鄉語落地杖代攜敲秦梓遞舉館閣皆閑曹莫道
作詩苦計字縑預酬催句鉢齊鼓典語宣樞庭修書惠
藝圃未藉狗監交應達雞林買堂堂華海張熙純乙酉
獲襄取 四巡四制科百里富翹楚誰以連帥強而
敢薄邾莒病肺張早殂無復哭宿莽亦有徐廸功醉吟
了官簿往來趙陸間可酤亦可醕昨書進士名麻衣慘

歸鵬云當勸薛公

少文龍光

來擘麒麟脯使益吾不圖喜近

征西府中有從軍人勘檄夜三五相聞不相見無計哭

枕股返旄奠椒漿設位卒何補比聞平原解文采動

人主郎官改槐廳漁洋後惟汝趙亦贈清卿碑額待規

豎喜心迸枯淚一一怕追數幸忝金石交弱筆敢吝與

其戚痛痕痛其寵炫毛羽復得吾弟書薛也死鄉土青

霞鬱奇氣子衿尚藍縷非無玉屏集長恐覆餅餽東野

誰是龍東方終似鼠文人載通鑑死事力真努方當銘

尊卣豈屑校華黼門才今古難君等實強弩竝訊陸與

徐詩成響淒雨

晚次合江

石鼻浮灘險孤城第幾灣
亂濤吞鰓部疎火吐符關
僧去齋鐘冷樵歸渡艇閒
祇餘瀘酒美酩酊坐忘還

江津

曲水文如几滌洄抱馬騷
白沙邨下上石筍縣西東
夜杼蠻輪布風檣吏曉銅
夔巫知不遠惆悵峽霞紅

大茅峽

頃過黃谿沼遂指大茅峽
峽底蟠大江峭作風屏插
又如百丈城翻裂勢鼓壓
荒灘倚孤艇笑與椒圖狎
子循石梯葛蘿無可搯中
央坵數筵兩臂窘持夾援
挂兼

蜺旒展響慘颯雪架閣高層層附麗白廳甲削成彌勒
龕莊嚴法王法毫光盤髻螺香火裊鑪鴨隔江山萬重
獻態媚不乏車亭浮一卷烟濤莽噓叫森然動我前危
汗透背胛野鷹翻翅歸過眼在俄霎翻嫌虛牝多盤築
此恰恰誰種黃精苗膽驚忘荷鋤

與泉之

吾弟都亭別平安屢費猜夢懸愁不到書至怯先開抱
槩疲官課圍鑪泥客陪明年小兒女好上學堂來

渝州懷古

三巴舊是梁州域峽接黃牛蹟未磨萬古塗山紛衆說

一鄉石紐記頻過蕭森蔽冕叢祠迴飛動龍蛇壞壁多
何處竹枝聲夜起蒼茫如聽候人歌

太皞支分歲月悠姬宗開國斷春秋地形高據三江會
王氣遙連百濮收環珮有魂歸楚女芻蕘無力救苴侯
可憐蔓子捐軀後從此將軍願斫頭

剽悍軍聲屬漢家英雄草昧竟分瓜如聞信史書通幣
蚤見降王走傳車裏血尚沾荒壘草銷魂偶發故宮花
剪屠更憶東川苦黃虎披猖骨似麻

八門長閉九門通鱗瓦差參結構重古渡鶯花千葉艇
好山金碧一枝筇果園要置春官宴丹穴難求寡婦封

細折牀頭淪甕美笑同賓幕餞殘冬

巴蔓子墓

爵命纔班子麟書未僭王乞師行蕩節戡亂爲蕭牆七
日秦庭哭三城趙璧憤寢門看倚劍宗社賀苞桑信誓
頻煩責嚴詞忼慨當尺軀拚付與寸土要留將節槩鄰
邦勤支骸故國藏爲國經刻削遺廟問蒼茫縱少匡時
績猶存應敵方獻頭燕竟覆函首宋終亡俗薄論酬報
時艱仗激昂釣魚池畔路魂魄共襄羊

土牛詞

土骸一闌春一城青旂綵仗東郊迎跳踉僂子導歌舞

牛聲不聞聞人聲人牛一力裹春意太皞幡然受牛餌
文繡何勞莊叟嗟鞭笞且聽坡公戲牛角彎環牛首續
爲牛爲土象占坤來朝試上譙樓望幾輩扶犁耕水邨
渡龍門至覺林寺過勞同年基偕至塔頂

外水趨古渝奔流極雄鷺作鎮矜塗山遂挾禹河號雲
根點江岸疊勢若穿鑿扁舟機斷厓失喜一僧導蒙密
蒼磴間冬畦潤於膏良久辨刹旛蕭蕭翳風翻蓮塘方
對交竹樹圓笠冒櫛參雜樹叢格磔亂禽噪息心拈野
花故人此相勞諦觀龍藥父一一究堂奧後有窳堵宮
放光夜頻告累石如累累基九轉頂始到雖教闌幡扶不

假金碧耗登眺塞衆峯景物阻深澳云是自足師特爲
母恩報師在塔是營塔成師久悼碑材擇尤良最殫力
排昇我無妙明心僅足効汎埽嵌壁尋舊題撞鐘做羣
眊舉翰凌天風超遙謝時好

覺林寺淳祐花銀歌

銀黝黑兩端翹而橈重八兩所謂一流也其
文曰淳祐花銀蓋宋理宗時製花銀有三足
色成錠面有金花者爲上次綠花黑花見格
古論要巴縣覺林寺僧月江誓願建塔捐戴
石土爲基應募者難之忽伐石得錠六衆爭

捐焉事在乾隆己卯其五已散月江易此爲
鎮塔成時月江已化其徒示客云爾

精鐫沈沈一鉤大殘字模糊黑龍臥六百餘年封錮牢
誰供月師伴行坐月師造塔森九霄碎捐雲根負綱馱
廿旬畚揭深尺餘受直諸傭氣積憤峻嶒片石偶鑿開
磊落餅金詫天荷其五揮散其一存能典袈裟換幾箇
我觀禹書貢三品上中下幣自秦作漢皇平準析錐刀
古縣朱提給官課富藏外庫推建隆欲固本根逮糧莖
淳化已湮元祐非幾次改元枉紛賀頻歲金縢西北加
連州交會東南破

交子始於太宗
理宗始置會子

講席雖陳聚斂箴權

門自拾徹田唾民膏消耗邊釐滋賣國牙郎召驚邏此
物空填閭馬丁此邦近接廬戎播綠花黑花名不誣如
璞經選穀經簸是爲八兩稱一流好訂新編補食貨升
人遺利誠區區肯質豪家挾寒餓醫牒休論稗政沿鎮
山豈受塵蹤洩飲器蒼涼舍貝虛布金黽勉磨鍼挫摩
抄弔古臨眺今寶氣佛光夜騰座